



CONCELLO DE VIGO



LAMUVI

**CONVENIO DE COLABORACIÓN EN MATERIA HIXIÉNICO-SANITARIA ENTRE O EXCMO. CONCELLO DE VIGO E A EMPRESA «FOMENTO DE CONSTRUCCIONES Y CONTRATAS, S.A.».**

---

En Vigo, o 27 de xullo do 2015.

**REUNIDOS**

Dunha parte, D. ABEL CABALLERO ALVAREZ, ALCALDE PRESIDENTE DO EXCMO. CONCELLO DE VIGO, CIF nº P-3605700-H, con enderezo en Vigo, Praza do Rei, s/n, na representación legal que ostenta.

Doutra parte, D. GUILLERMO DE CAL ALONSO, en calidade de apoderado e en representación da empresa "FOMENTO DE CONSTRUCCIONES Y CONTRATAS, S.A.", CIF nº A-28037224 e con domicilio en Vigo, Rúa Tarragona, 12 Baixo..

**MANIFESTAN**

Que o Concello de Vigo coordina e regula as actividades desenvolvidas por algunhas empresas que prestan servizos públicos neste Concello e que poidan ter repercusións sanitarias e de saúde pública para os veciños.

Que a actividade desenvolvida pola Empresa "Fomento de Construcciones y Contratas, S.A.", ten gran transcendencia dende o punto de vista sanitario e de saúde pública, xa que ten en concesión administrativa o servizo de recollida e transporte de residuos sólidos urbanos, limpeza urbana de praias e recollida selectiva.

Que a Empresa "Fomento de Construcciones y Contratas, S.A.", ten interese en levar un correcto mantemento hixiénico sanitario de todas as súas instalacións e de todos os vehículos que utiliza para a prestación dos servizos antes mencionados.

Por todo isto, o Concello de Vigo e a mencionada Empresa consideran necesario establecer un convenio de colaboración que será rexido polas seguintes

## CLÁUSULAS

### Primeira.

O obxecto do presente convenio é establecer os termos e condicións da colaboración entre o Concello de Vigo e a Empresa "Fomento de Construcciones y Contratas, S.A.", para desenvolver todas as medidas necesarias para o mantemento hixiénico-sanitario das instalacións e vehículos incluídos no contrato do Servizo de Recollida e Transporte de Residuos Sólidos Urbanos, Limpeza Urbana, de Praias e Recollida selectiva

### Segunda.

O Concello de Vigo, través dos seus distintos Departamentos e Servizos, comprométese á realización dos seguintes cometidos:


1. Desinsectación e desinfección dos camións utilizados no servizo que a Empresa ten adxudicado polo Concello, que permita garantir a prevención de enfermidades profesionais, a diseminación de cascudas e outros na nosa cidade, etc.

Nos camións utilizados para a recollida e transporte de lixo, farase cunha periodicidade bimensual e, nos demais vehículos, cuatrimestralmente.

2. Desinfección dos vehículos destinados ó baldeo e rego de rúas e beirarrúas, seguindo os protocolos das Autoridade Sanitarias para a prevención da Lexionelose.

De acordo cos protocolos citados, se desinfectarán todos os vehículos destinados ao baldeo e rego cunha periodicidade cuatrimestral.

3. Tratamento de Desinfección, Desinsectación e Desratización (D.D.D.) en todos os locais da Empresa cunha periodicidade bimensual, prestando especial atención e esmero ás zonas destinadas para vestiarios e aseos do persoal.



### Terceira.

As datas e horarios de realización dos distintos tratamentos fixaranse conxuntamente, en función dos protocolos e da dispoñibilidade de medios dos respectivos servizos, tanto municipais como da Empresa.

### Cuarta.

Antes do inicio dos tratamentos, o responsable do Parque e Servizo de Desinfección Municipal ou do Laboratorio Municipal entregará, por escrito, as recomendacións e normas de seguridade precisas para lograr unha maior efectividade dos mesmos e para evitar calquera tipo de risco ós traballadores que utilizan tanto os locais como os vehículos.

Deberá dispoñer por escrito dun protocolo de traballo que especifique tanto os riscos que implica o uso de cada produto, como das medidas de prevención a seguir (prazos de seguridade, EPI, condicións de aplicación, tratamento en caso de intoxicación e antídotos, etc.)

### Quinta.

O responsable ou técnicos do Servizo de Desinfección Municipal ou Laboratorio Municipal, entregará os certificados correspondentes aos traballos realizados ó remate dos mesmos e, de non ser posible nese momento, nun prazo inferior a quince días naturais dende a data de remate.

### Sexta.

"Fomento de Construcciones y Contratas, S.A." aportará anualmente a cantidade de 16.000 euros (dezaseis mil euros), IVE incluído, destinados ó Laboratorio Municipal, do que depende o Parque de Desinfección, para cubrir os custos dos produtos utilizados e de mantemento dos equipos, que destinaranse ás partidas orzamentarias do Laboratorio Municipal. O ingreso realizarase na conta do Concello antes do trinta de xuño de cada ano.

### Sétima.

O Concello e a Empresa non asumen ningún outro compromiso máis que os recollidos expresamente neste convenio.

### Oitava.

A realización deses traballos por parte dos Servizos Municipais non exime á Empresa "Fomento de Construcciones y Contratas, S.A." das súas responsabilidades perante as Autoridades Sanitarias competentes.

Novena.

Para a aplicación e desenvolvemento do acordado así como para resolver as dúbidas e controversias que puidesen suscitarse ó longo da súa vixencia, constitúese unha Comisión Mixta, que estará integrada por un representante do Concello de Vigo e outro da Empresa e que se reunirá tantas veces o solicite, xustificadamente, calquera das partes.

De persistir as discrepancias entre as partes, éstas serán resoltas pola Alcaldía; resolución que poñerá fin á vía administrativa e que poderá ser obxecto dos recursos administrativos e xurisdiccionais que en Dereito procedan.

Décima.

Este convenio de colaboración ten, para todos os efectos, carácter xurídico-administrativo, rexéndose polas súas propias estipulacións e, no seu defecto, polas normas do Dereito administrativo.

Sen prexuízo da obrigada intervención previa da Comisión Mixta e das facultades recoñecidas á Alcaldía, as cuestións relativas á súa formalización, cumprimento, interpretación, efectos e extinción serán dilucidadas, en última instancia, polos órganos da xurisdicción contencioso-administrativa.

Undécima.

Serán causas de resolución deste convenio, o incumprimento grave de calquera das súas estipulacións, o cumprimento íntegro do seu obxecto e o mútuo acordo das partes.

Duodécima.

O presente convenio, unha vex asinado, terá vixencia ata o 31 de decembro de 2016.

E en proba de conformidade, os comparecentes asinan por duplicado o presente Convenio no lugar e data expresados no encabezamento.

POLO CONCELLO,

Asdo.: Abel Caballero Alvarez

POLA EMPRESA,

Asdo.: Guillermo de Cal Alonso